

Item. 2. 4. 8. 16. 32. 64. 128. 256. 512. 1024. 2048. duplicir. 2048
 Comen. 4096. nym ab. 2. bleyben. 4094. die teyl ab mit. 2.
 weniger. 1. als. 1. bleybt die zal an yhr selbst.
 Item. 3. 9. 27. 81. 243. 729. 2187. 6561. wienil machen gesatz
 saln/ thu yhm also/ multiplicir die letzter zal mit. 3. wirt
 19683. daruon nym die erste zal als. 3. bleibē. 19680. die teil
 ab mit. 3. weniger. 1. als mit. 2. Comen. 9840. vnd also der
 gleichen. Die wurtzel den quadraten vnd cubic auß zu
 zihen wil ich hie her beruhen lassen/ sonder zu seiner zeit
 so ich das Visiern/ vñ etzliche regel der cossz erzele gnug/
 sam erklären.

Regula de tri.

Ist ein Regel von dreyen dingen/ setz hinten das du
 wissen wilt/ wirt die frag geheissen / das yhm vnter den
 andern zweyen am nhamen gleich ist setz forn/ vnd das
 ein ander dingē bedeut mitten/ darnach multiplicir das
 hinten vnd mitten stet durch einander / das daraus
 kumpt teyl ab mit dem fordern/ so hastu wie thewt das
 dritt Comen/ vnd dasselbig ist am namen gleich dem mit
 teln als hie ynn folgenden exempel.

Item. 32. eln tuchs fur. 28. floren wie Comen. 6. eln / facit.
 5. floren. 5. groschen. 3. pfennig/ setz also.

eln 32. 28. flo. 6. eln.

proba.

Wiltu probiren ob du recht gemacht hast/ so vorkeer die
 regel also/ das hinten gestanden ist setz forn / das facit
 mitten / vnd das forn gestanden hinten machs als dan
 nach gesagter regel/ so mus widder Comen das vorhyn
 mitten gestanden ist also.

Item